



Universitätsbibliothek Paderborn

**Disputationes|| ROBERTI BELLAR-||MINI E SOCIATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE MEMBRIS ECCLE-||SIAE MILITANTIS,|| TRIBVS LIBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XVII. De Chorepiscopis.

[urn:nbn:de:hbz:466:1-53880](https://nbn-resolving.de/urn:nbn:de:hbz:466:1-53880)

rum, quibus absentia Pastorum perniciosa est. TERTIVM,
quod habeat Consiliarios magis instructos, & exercitatos,
cum haec sola & assiduè tractent: facta autem legitimè hac
mutatione Concilij Pontificij ab Episcopis & Cardinalibus
ad solos Cardinales; mirum esse non debet, si etiam facta est
mutatio dignitatum.

Sed placet, ad finem huius loci repugnantiam verborum
Caluini in extrema disputatione cap. 7. lib. 4. Institut. anno-
tare. Nam in vlt. §. miratur Cardinalium amplitudinem:
*Nescio, inquit, qui factum sit, Et ita subito in tantam ampli-
tudinem emerserint.* Et mox infra: *Nunc adeo mutata sors
est, Et facti sint Regum & Cæsarum cognati.* Nec dubium
est, quin *Ena cum suo capite sensim creuerint, donec ad hoc
dignitatis fastigium eueldi fuerunt.* Hæc ille. Qui tamen
continuò subiungit contrarium: *Impleri, inquit, in illis oport-
tuit quod de talibus ait Malachias; Vos recessistis de via, &
offendere fecistis in lege plurimos; propterea ecce ego dedi Vos
contemptibiles & viles omni populo.* At quomodo, quæso,
ista cohærent, ut in summum fastigium amplitudinis cre-
uerint Cardinales, ita ut Regum ac Cæsarum cognati facti
sint, & tamen *contemptibiles ac viles euaserint omni po-
pulo?* Sed de his satis.

C A P V T XVII.

De Chorēpiscopis.

IXIMVS de distinctione & officio Clericorum
eorum, qui etiam hoc tempore locum suum ha-
bent in Ecclesia; nunc addendum visum est ali-
quid de Chorēpiscopis, quorum nomen & offi-
cium olim in usu erat, nunc autem penè interiisse videtur.

Igitur Chorēpiscopi dicebātur olim Presbyteri quidam,
qui in pagis, aut oppidulis curam animarum gerebant loco
Episcoporum, ut nunc ferè Parochi faciunt. Dicebantur
autem Chorēpiscopi, vel, ut Damasus indicat in epistola 3.
quasi villarum Episcopi. nam *χορη* Græcè oppidum ac re-
gionem significat: vel potius, ut Concilium Neocæsariense
canone decimo tertio, & Antiochenum canone 8. docent.
quasi

quasi Vicarij Episcopi, vel Vicarij Episcoporum, seu loco Episcoporum constituti; ~~per~~ enim locum etiam significare potest. Porro eiusmodi Chorepiscopi non poterant Presbyteros & Diaconos ordinare, nec Chrismate fidelium frumentos inungere, nec templa, aut altaria consecrare. cetera ferme omnia praestare poterant, quae praestant Episcopi, ut cognosci potest ex Concilio Ancyrano can. 12. & Antiocheno can. 10. & Hispanensi II. can. 7. item ex Damaso in epist. 3. Leone epist. 86. alias 88. & Ioanne III. in epistola ad Episcopos Germaniae & Galliae.

Sed quæstio hoc loco occurrit; An Subdiaconos ordinare Chorepiscopis aliquando licuerit. Nam in Concilio Antiocheno can. 10. id eis licuisse disertis verbis asseritur. Contraria autem, id eis minimè licuisse, Damasus Papa in epist. 3. aequè disertis verbis affirmit; Concilia & Pontifices ceteri supra citati negant licere Chorepiscopis Presbyteros vel Diaconos ordinare; de Subdiaconis, ceterisque ordinibus nihil expressè dicunt.

RESPONDEO, quosdam fuisse Chorepiscopos, qui verè Episcopalem consecrationem acceperant, sed Chorepiscopi dicebantur, quod non haberent propriam Ecclesiam, sed in aliena Diocesi ministrarent, quales sunt hoc tempore Episcopi quidam Titulares, qui & Suffraganei dici solent. Alios verò Chorepiscopos fuisse, qui nihil aliud, nisi Presbyteri essent, sed, ut diximus, in pagis, ac villis, seu etiam oppidiis Episcopum aliquo modo representarent. De prioribus loqui videtur Concilium Antiochenum, ut etiam Damasus annotauit in epist. 3. nam ita incipit Canon: *Chorepiscopi, qui manus impositionem ab Episcopis acceperunt, &c. si Episcopi sunt ordinati, &c. vbi non de omnibus Chorepiscopis loquitur Concilium, sed de illis tantum, qui à pluribus Episcopis, titu Pontificum, sunt consecrati: præterea in eodem canone Concilium non solum his Chorepiscopis permittit, ut Subdiaconos absolute ordinent, sed etiam ut Presbyteros & Diaconos ordinare possint, si id Episcopus loci permiserit: ex quo certè sequitur, eos Chorepiscopos veros Episcopos fuisse.*

Porro in fine illius canonis, ybilegimus (*Chorepiscopum ab Episcopo*

Episcopo loci ordinandus est) non de iisdem Chorerepiscopis agitur, sed de illo altero genere; voluit enim Concilium legem statuere, ut deinceps Chorerepiscopus ordinetur ab uno Episcopo, & proinde Presbyter sit, non Episcopus. De quo genere Chorerepiscoporum loquitur Damasus in epist. 3. cùm dicit, non licere Chorerepiscopis ordinare Subdiaconos.

Cetera autem Concilia & Patres, qui negant, Chorerepiscopis licere ordinare Diaconos, & de Subdiaconis nihil dicunt, videntur nomine Diaconorum etiam Subdiaconos accepisse, cùm sit uterque sacer ordo, & sæpe apud veteres eodem nomine appellantur. Quod si enidenter ostendi possit, concessum aliquando fuisse Chorerepiscopis secundi generis, ut Subdiaconos ordinarent; dicendum erit, id fuisse priuilegium, & dispensationem quandam, qualis etiam fuit quibusdam in locis, ut Presbyteri, absente Episcopo, Confirmationis Sacramentum exhiberent; ut Ambrosius scribit de Sacerdotibus Ægypti, in commentario, capit. 4. epistolæ ad Ephesios. Atque hæc de distinctione & officio Clericorum.

C A P V T XVIII.

De cœlibatu Sacerdotum; Sítne iure diuino annexus sacris ordinibus cœlibatus, an non?

SEQUITVR quarta Disputatio, quæ est de cœlibatu, seu continentia hominum sacerrorum, quæ quidem trimembri erit. Primum enim explandum occurrit, Sítne iure diuino annexus cœlibatus ordinibus sacris. Deinde, si constiterit non ita esse, vrum saltem iure Apostolico, ac rectissimè id factum sit. Postremò, num digami Apostolica lege arceantur à sacrис ordinibus.

Ac, vt à primo incipiamus, Ioannes Major in 4. distin. 24. quæst. 2. de iure diuino esse putauit, quòd votum Sacerdotum solenne sit, ac proinde indispensabile esse. Idem ferè docuit Clichtonius libro de continentia Sacerdotum, cap. 4. & sc.

oco. E.
aificare
Presby-
fron-
ra ferè
ognos-
o can.
Leone
s Ger-
ardina-
o An-
Con-
pist.,
ceteri
os vel
nibus

iverè
ilco-
, sed
e E-
A-
yte.
ida-
ibus
ma-
sco-
, si
sco-
bus
co-
per-
ref-
oci
ros
ab
opp